

金大定甫注
俞穴鍼灸圖經
平水新刊

銅人鍼灸圖經

作者：

(金)王

惟一

出版者：

江蘇廣陵古籍刻印社

發行者：

揚州市古籍書店

定價：

玉扣紙本 十元八角
白棉紙本 十五元

出版時間：

一九八〇年十一月

書號：

入。一。一。二。三

新刊補註銅人腧穴鍼灸經卷五

翰林醫官朝散大夫殿中省尚藥奉 御騎尉

賜紫金魚袋臣王惟一奉

聖旨編修

黃帝問曰十二經中氣血多少可得聞乎岐伯對曰其可度量者中度也以經水應十二經脉也谿谷遠近淺深氣血多少各不同其治以鍼灸各調其氣血合而刺之補虛寫實皆須盡知其部分也肝足厥陰經少氣多血心手少陰經少血多氣脾

足太陰經少血多氣肺手太陰經少血多氣腎足
少陰經少血多氣膽足少陽經多氣少血小腸手
太陰經多血少氣胃足陽明經多血多氣大腸手
陽明經多血多氣膀胱足太陽經多血少氣心包
絡手厥陰經多血少氣三焦手少陽經多氣少血
視其部中浮絡其色多青則痛多黑則風痺黃赤
則熱多白則寒五色皆見寒熱也感虛乃留於筋
骨之間寒多則筋攣骨痛熱多則骨消筋緩也

傍通十二經絡流注孔穴圖

肺 心 肝 脾 腎 心包絡

春刺井木 少商 少衝 大敦 隱白

涌泉 中衝

夏刺榮火 魚際 少府 行間 大都

然谷 勞宮

仲夏刺腧土 太淵 神門 太衝

太白 太谿 太陵

秋刺經金 經渠 靈道 中封 商丘

復溜 間使

冬刺合水尺澤 少海 曲泉 陰陵泉

陰谷 曲澤 大腸 小腸 膽

胃 膀胱 三焦

所出爲井 金 商陽 少澤

竅陰 厲兌 至陰 關衝

所流 作 爲榮水 二間 前谷 俠谿

內庭 通谷 液門

所注爲腧 木 三間 後谿 臨泣

陷谷 束骨 中渚

所過為原 合谷 腕骨 陽池 丘墟

衡陽 京骨

所行為經 火陽谿 陽谷 支溝 陽輔

解谿 崑崙

所入為合 土 曲池 小海 天井 陽陵泉

三里 委中

手太陰肺經左右凡二十八穴

少商 魚際 太淵 經渠 列缺

孔最 尺澤 俠白 天府

少商

二穴木也在手大指端內側去爪甲角如韭葉
手太陰之脉所出也爲井治煩心善噦心下滿
汗出而寒欬逆痰癰振寒腹滿唾沫脣乾引飲
不下腫人手攣指痛寒慄鼓頷喉中鳴以三稜
鍼刺之微出血洩渚藏熱湊唐刺史成君綽忽
顙頷腫大如升喉中閉塞水粒不下三日甄權
鍼之立愈不宜灸

魚際

二穴火也在手大指本節後內側散脉中手太
陰脉之所流也爲榮治洒淅惡風寒虛熱舌上
黃身熱頭痛欬嗽汗不出痺走腎背痛不得息

目眩煩心少氣腹痛不下食肘攣支滿疾中乾
燥寒慄鼓頷欬引死痛溺出嘔血心痺悲恐鍼
入二分留三呼

太淵

二穴土也在手掌後陷中手太陰脉之所注也

爲膺治臂痺逆氣寒厥善噦嘔飲水欬嗽煩怨
不得臥肺脹滿膨臂內廉痛目生白翳眼皆
赤筋缺盆中引痛掌中熱數欠喘不得息噫氣
上逆心痛唾血振寒咽乾狂言口噤可灸三壯
鍼入二分

經渠

二穴金也在寸口陷中手太陰脉之所行也爲

經治瘧寒熱背痼急背滿膨大喉痺掌中熱
欬嗽上氣數欠熱病汗不出暴痺喘逆心痛嘔
吐鍼入二分留三呼禁不可灸人神

列缺

二穴去腕側上一寸五分以手交叉頭拍末筋
骨罅中手太陰絡別走陽原療偏風口喎手腕
無力半身不隨欬嗽掌中熱口噤不開寒瘧嘔
沫善笑縱脣口健志鍼入二分留三呼寫五吸
即可灸七壯慎酒麪生冷物等

孔最

二穴在腕上七寸手太陰郄治熱病汗不出此
穴可灸三壯即汗出欬逆臂厥痛鍼入三分灸

五壯

尺澤

二穴水也在肘中約上動脈中手太陰脈之所入也為合治風痺肘攣手臂不得舉喉痺上氣舌乾欬嗽唾濁四肢暴腫臂寒短氣鍼入三分可灸五壯

俠白

二穴在天府下去肘五寸動脈中治心痛乾嘔煩滿鍼入三分可灸五壯

天府

二穴在腋下三寸動脈中以鼻取之治逆氣喘不得息目眩遠視眈眈卒中惡鬼疰不得安臥禁不可灸使人逆氣今附刺鼻衄血不止鍼入

四分留三呼

○手陽明太腸經左右凡二十八穴

商陽 二間 三間 合谷 陽谿。偏歷

溫留 下廉 上廉 三里 曲池 肘髃

五里。臂臑

商陽

二穴金也一名絕陽在手大指次指內側去爪

甲角如韭葉手陽明脉之所出也為并治胃中
氣滿喘欬支腫熱病汗不出耳鳴且聾寒熱痰
瘧口乾頤頷腫齒痛惡寒肩背急相引缺盆痛

目青盲可灸三壯右取左右取右如須食立已
鍼入一分留一呼

二間二穴水也一名間谷在手大指次指本節前內
側陷中手陽明脉之所流也爲榮治喉痺頰脰
肩背痛振寒鼻衄血多驚口喎鍼入三分可
灸三壯

二間二穴不也一名少谷在手大指次指本節之後
內側陷中手陽明脉之所注也爲輸治喉痺咽
中如鞭齒齲痛嗜卧脊滿腸鳴洞洩寒瘧脣焦
口干氣喘目眦急痛鍼入三分留三呼可灸壯

合谷

二穴一名虎口在手大指次指歧骨間陷中手陽明脉之所過也為原療寒熱瘧鼻衄衄熱病汗不出目視不明頭痛齒齲喉痺痿臂面腫脣吻不收瘡不能言口噤不開鍼入三分留六呼可灸三壯今附右婦人妊娠不可刺之損胎氣

陽谿

二穴火也一名中魁在腕中上側兩筋陷中手陽明脉之所行也為經治狂言喜笑大見鬼熱病煩心目風赤野有醫厥逆頭痛脊滿不得息寒熱瘧疾喉痺耳鳴齒驚掣肘臂不牽痲疥鍼入三分留七呼可灸三壯慎如前法

偏歷

二穴手陽明絡在腕後三寸別走太陰治寒熱

瘧風汗不出目視眈眈癰疾多言耳鳴口喎齒

齟疾痺瘰干鼻衄血鍼入三分留七呼可灸

三壯

溫留

二穴一名逆注一名蛇頭在腕後大上五寸小

上六寸手陽明治口喎腸鳴腹痛傷寒身熱

頭痛歲逆肩不得舉癰疾吐涎狂言見鬼喉痺

而虛腫鍼入三分可灸三壯

下廉

二穴在輔骨下去上廉一寸輔兪肉其分外斜

治頭風臂時痛溺黃鍼入五分留五呼灸三壯

上廉

二穴在三里下一寸其分獨抵陽明之會外斜治腦風頭痛側難黃赤腸鳴氣走疰痛針入五分可灸五壯

三里

二穴在曲池下二寸按之肉起兌肉之端治手臂不仁肘挛不伸齒痛頰頷腫瘰癧可灸三壯針入二分

曲池

二穴土也在肘外輔骨屈肘曲骨之中以手拱背取之手陽明脉之所入也為合治肘中痛偏風手身不遂刺風癰疹喉痺不能言臂中煩滿筋緩捉物不得挽弓不開屈伸難風臂肘細而

無力傷寒餘熱不盡皮膚乾燥鍼入七分得氣
先寫後補之灸亦太良可灸三壯

肘髃

二穴在肘大骨外廉陷中治肘節風痺臂痛不
可牽屈伸攣急可灸三壯鍼入三分

五里

二穴在肘上三寸行向裏大脉中央治風勞驚
恐吐血肘臂痛嗜臥四肢不得動搖寒熱瘰癧
欬嗽目視眈眈瘡瘻心下脹滿可灸十壯禁不
可鍼

臂臑

二穴在肘上七寸腓肉端手陽明絡治寒熱頸
項痼急瘰癧肩背痛不得舉可灸三壯鍼入三分